

Nd.

279. Frumvarp

til laga um sölu á eign Garðakirkju af kaupstaðarstæði Hafnarfjarðar og nokkrum hluta af öðru landi hennar.

(Eftir 3. umr. í Ed.).

1. gr.

Landsstjórninni veitist heimild til að selja Hafnarfjarðarkaupstað land Garðakirkju, sunnan og vestan þessara marka:

1. Bein lína úr »Balaklöpp«, við vesturenda Skerseyrarmalar í veginn frá Hafnarfirði til Reykjavíkur, þar sem hann fer að fara lækkandi ofan af norðurbrún hraunsins,
2. Þaðan bein lína í Hádegishól, hádegismark frá Hraunsholti, nálægt í hásuður frá bænum, spölkorn frá hraunjaðrinum.
3. Úr Hádegishól, bein lína í Miðaftanshól, sem er gamalt miðaftansmark, miðað frá Vífilsstöðum; — þá tekur við
4. Urriðakotsland; þá
5. Setbergsland, alt til Lækjarbotna; og lok
6. Selvogsmanna- eða Grindaskarðavegur.

Um mörk landspildu þessarar að öðru leyti vísast til landamerkjaskrár um »Merki á landi Garðakirkju á Álfanesi samkvæmt máldögum og fornum skjölum« dagsettrar 7. júní 1890, og þinglesinnar 9. sama mánaðar. Undanskilið sölunni er: Hamarskotstún innan girðinga og Undirhamarstúnsblettur.

2. gr.

Landið má selja fyrir það verð, er dómkvaddir óvilhallir menn meta, þó þannig, að kaupverðið eigi sje lægra en 52 þús. króna. Landstjórnin kveður á um alla söluskilmála.